

# Mapabaxutoje San Juan cotocaevi toyaquina Dioso pejumecovënëtsivijavabelia

*Pexaniajailivaisi yabara, jivi ata penaasivacuene, yabara pelivaisi*

<sup>1</sup> Xanë ancianonënë, pacatoyaquinatsi mapabaxutoje Dioso pecaitapetsiva, nexi yajava. Xanë bitso pacaaasivatsi. Itsamonaе ata, pamonaе jumecovënëta Dioso pejumelivaisi, bajarapamonae ata pacaaasiva. <sup>2</sup> Bajarapacuenia pacaaasivatsi tsipaji paxamë ata Dioso pejumelivaisi pajumecovënëtame. Bajarapalivaisi cajinavanapatsi vajajamatatabëëthëtota daxitamat-acabijavabelianexa. <sup>3</sup> Pacatovajëtabiabatsi Dioso-javabelia, Jesucristo, Dioso pexënatojavabelia ata. Pacatovajëtabiabatsi papecayavenonabiabinexa, papecaitaxutotsonia taeyabiabinexanua. Pacatovajëtabiabatsinua jamatabëcuenexanepanaeya panejinavanapaenexa. Bajarapacuenia Dioso pacatoexanaena pexaniajailivaisi, Dioso pejumelivaisi, itsa pacajinavanapame, itsamonaе ata asivaya itsa pajinavanapamenua.

<sup>4</sup> Bitso sivajamatatabëcuenebarëyanë itsa caxitarabaxuabajë nexiyajuvënëvi, pejumecovënëtavanapaevi pacuenia vaxa Dioso nacitoroba. <sup>5</sup> Tajabanava, aeconoxae catsipaebatsi namataenetsia vajanasivanexa. Bajarapalivaisi apo pejanalivaisi picani.

Bajayata palivaisi itsa copiaya jumetaneme Jesúś pelivaisi, bajarapalivaisi jumejépa.  
**6** Vaxaitsi itsa jitsipatsi Dioso, nexata pacuenia Dioso nacaitoroba, bejumecovénétavanapatsi. Bajarapalivaisi papecatsipaebijavaveliacujinae, pacaitoroba baja cajena namataenetsia panenasivatsavanapaenexa.

*Penajumetsénëtsilivaisi daxitanacuanëjava petsipaebanajetarubenaevi yabara pelivaisi*

**7** Penajumetsénëtsilivaisi petsipaebana-jetarubenaevi, ayaibitsaëto najetarubena daxitanacuanëjava. “Pacuenia vaxaitsi ba-naexanatsi, bajarapacuenia Jesucristo naexana mapanacuataje,” pejailivaisi, bajarapamonae apo pejumecovénëtsivi. Bajarapitsijamatatabécuene pexainaevi peyamaxéitojorobivi baja cajena. Bajarapamonae Cristo pijavajabitsaë.  
**8** Panayajivitaevanapare papecavecuaxu-abiyanova xua pasivanacuenebavanapame Dioso papecarajutsinexa. Bajarapacuenia panayajivitaevanapare Dioso papecarajutsinexa daxitajavayo panetonacuenebimatamo.

**9** Pajivi tsiteca pevajénaeyabelia jume-covénétaponapona palivaisi Cristo tsipaebapona, bajarapajivi vaxa Dioso yajavaponaponatsi. Vaxa Dioso pexénato ata yajavaponaponatsi. Pajivi pijinia copata pejumecovénëtsJAVA palivaisi Cristo tsipaebapona, bajarapajivi Dioso apo yajavaponaponaetsi. **10** Nexata bajarapitsijivi itsa pona paxamëjavabelia livaisi papecatsipaebinexa, pëtsa pacajunuame panijaboyerena. Pëtsa pabajacobamenua

bajarapitsijivi. 11 Pajivi bajacobijitsipa bajarapitsijivi, jamatabëcuneyavenonaejitsipa pibisiacuene pexanaejava. Bajaraxuata pëtsa pabajacobame bajarapitsijivi.

*Pacuenia Juan jumaitsi pecopiarutapona elivaisita yabara pelivaisi*

12 Xanë picani xainajë ayailivaisi patacamux-  
ujiobinexa. Itsiata abaxë apo jitsipaenë bajara-  
palivaisi patacatoyaquinaenexa mapabaxutotaje.  
Evetajë abaxë taponaejava paxamëjavabelia pat-  
acataenexa, patacabarëcuaicuajainexanua, vajaja-  
matabëcuenebarëyanexa bitso.

13 Nejuyapijiva Dioso pitapetsivatsi pexi, caton-  
ajumeitoroba neabajobinexa.

## **Dios pejumelivaisibaxuto pejanalivaisibaxuto New Testament in Guahibo**

copyright © 2011 Wycliffe Bible Translators, Inc.

Language: Guahibo

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Guahibo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

v

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
bc03f416-faf8-5000-bfb5-5ca8a3fa98cf